



Pamebhame

"Nimluu : 17 "Su "Zε

-Kwε 2007

"Su -bha 'sëëdhe -mü "Gwεetaawo

'WɔN -TAɔNG -MA 'GÜ 'SËËDHε

-Bhawən 'to dhe 'ö dho -Pamebhame -wo pö -me -nu "piü

-Pamebhame 'ö -kë naç -ma 'gü 'sëëdhe 'ka, -a -wo pö -me -nu "pepe, -dhe =ya =kpaø ka -bha -ee ? Ka nuwee yë -bha mü. Kö ka -kɔowən -yö dhi bha 'aa -yë kë ?

Yi dheebhang -nu ka -dho yi

-bhawən 'to- 'sëëdhe ya -a "dhiü 'ö kë 'gbaannu bha- -wən 'gü. -Yö kë -sü yë -kë 'ka -kwεe -nu -bha see- 'ö 'wo kë wo =në- -nu -bha. "Kεe Atanna 'saa- 'gü 'wən =gbaan yö 'ko "dhiü. Yö =në- -wən 'gü 'yö 'ka -kpan

sië -Pamebhame "nimləo ya, -a -bha bha. Yi 'dhang- bho -sü -ya "dhiü =dhe 'ka yi -bhawən 'to. =Dhe kwa -wo -ya 'gü do =dhe kwa -de -wo 'ö bha kwa -dho "slé mɔo- -a -bha kö -yö 'dho "dhiü.

=Ya 'go yö -zë -a 'gü, 'ö 'wən -së 'bha 'dhö ka -zo "piü kö 'ka- pö yi -dhe -Pamebhame "gbluv "piü, -potaasü -yö ka -go. -A "dhia -yö -dho 'ma yi 'gü. -A -gen -mü =dhe -gleng 'yaa 'go 'gu do 'gü

Kwaa- =danwo pö "sε 'gü -wɔn

-Dhikodhe -troo

'Wən =bhlëesü -yö kë -sü 'ka kwaa- "peen -ta. -Yö "dhü tean- 'ka =dhe -gblü 'ö -da bha, -yö kë =Danwo pö -me -nu waa- 'We- -nu bha kwa -siö 'ko -dhe. "Kεe -dhekpaøyi =ple ya- "piü, -ko -wü 'koodhe -troo -yö kë -sü 'ka kwa =zinng 'gü. 'Yö -kë -piöga =soo- -biang 'sü -sü kö -wa gizame kë, -a 'ka. -A zü -yö -bho "kwi -a 'su 'ö -kë Feevrie 'ka bha, -a -dhekpaøyi -kong =ple 'ka "Maadhö. 'Me -nu 'ö 'wo

-a -ya, wo -mü -klookota 'ö -kë "Kədivua -me -nu -bha 'ka, "keε -piöga =soo- -wən "gbluv "piü -a 'ka. -Biang bha -a -bleesü -yö -go "Maadhö 'ö dho 'ka -Zənwəen. "Kidhung këng do ö -kɔ ple waa- "kidhung =ple(122). -Piöga =soo- -biang 'sü -me -nu "gbigbi 'ö 'wo gun- -bha -wo -gun -kong -yiisiö ö ga "səədhu (45). Me 'bha -nu -wo -go Togo, Gana.

=Dhe woo- zü bho, me =ple =në 'ö 'wo kë wo -wo bho -piöga =soo- ziö -me -nu bha, -a -nu -ta. -A me do -mü plesidang =Sigi Blən" Blezö 'ka. 'Yö -a me do 'ö -kë "sədha -gome 'kpii- 'ö "Maa "se 'gü, "tüng ya 'gü, -a 'ka. 'Wən "pepe bha -yö kë -kë "dhü =ministrë 'ö -kë kwaa- 'në 'ka, Mabhli Tuakösə 'ka, -a "yan =wlöö. -Biang bha =dhe 'ö 'wo -sü, 'ö go "Maadhö 'ö dho 'Dannëng "se 'gü, 'me

-nu 'ö 'wo -kë me -bleesü 'ö 'wo =loo, -wo -gun "səədhu. "Töng 'ö 'wo -kë ziaan- 'yö -kë: 'Yënn- -gen -yan dan -yaaga waa- 'yënn- -kɔ dan -kong =ple ö ga =ple ("dhedhe -yaaga waa- minitö -kong =ple ö ga =ple. Kö 'wən -së 'ö kë -kë 'yö bha.

-Kwa dhi kwa 'ko -dhe.

L'orthographe DAN

Voici ce que nous pouvons utiliser pour savoir lire et écrire en langue dan.			ëë	"këë	daba	ü	'gü	intérieur
Les consonnes et les voyelles que vous ne voyez pas ici sont les mêmes qu'en français.			ën	'kén	rassasier	üü	"güü	amère
Attention:			ëëñ	=klëëñ	entourer	ün	=blün	miette
1. c, h, j, qu et x n'existent pas en dan.			εa	"kpea	sec	üün	glüün	rouler
2. r ne se trouve jamais au début d'un mot.			εan	gean"	scorpion	ü	"gü	brûler
Voici le reste de l'alphabet :			gw	-gwë	caillou	üü	"bhüü	tarir
Lettres Exemple			in	"bin	fleur	v	"tv	oreille
Aa	"kaa	gale	iin	"iin	ou	vv	"tvv	sauce
An	"gan	tirer	ı	"wı	parler	-Wo 'dho -kɔ (Les tons)		
Aan	saan	cadeau	u	"gbu-	fort	très haut		
aɔ	kao	perdrix	kw	=kwa	main gauche	"dhü		
aɔn	'daɔn-	araignée	ng	gbeng	nuit	arbre		
bh	-bho	cabris	oo	-zoo	chenille	'kɔ		
dh	dhe	mère	ɔ	'pɔ	credit	maison		
ee	=wee	sel	ɔn	"yɔn	huile	dë		
ɛ	"pε	déchirer	ɔɔn	=yɔɔn	sang	père		
ɛɛ	=wεε	moquerie	ö	pö	dire	=ze		
ɛn	-gen	pied	öö	töö	panier	termite		
ɛɛn	=gbleen	long	u	"su	lune	-dhə		
ɛ̄	re	chose	un	bun	tombeau	amour		
			uun	=yuun	asticot	"klang-		



Kwaa- "Kɔdivuaa -se 'gü -wən

-Gblü =ya yën

-Gblü 'ö -da kwa -gø yö, -a -kwε "søodhu -naa =në 'ö -kwε ya- 'ka (2007). "Kεε -gblü 'kloɔ- =ya bhø kö -gblü =ya yën. Kö faan =ya 'go -gblü -bha. -A 'kloɔ- -ö bhø bha yö -mü =dhe kwaa- "dhasi -nu -yεε =ple 'ö- kpö do 'dhö -kë dhöbelë -nu 'ka, 'ö 'ö -nu -gø -mε 'dhö -kë Soro Giyøngmë 'ka 'ö do 'dhö -kë -fangsi "sødha -nu 'ka 'ö -bha -gøme 'dhö -kë Gbagbø Loranng 'ka bha, -kwaa "yvv -mü, =wa dhi wo 'ko -dhe. =Wa wo -kø 'wü 'koo -Buakee "kwi -a "su 'ö -kë zue 'ka bha, -a -dhekpaøyi -kaøng -yaaga 'ka -Buakee =tedheng -ta. =Dhe 'ö go mü, 'yö 'wo buu "gblü =ple (2000) -gü me =gban "yan "dhiü mü. Yö =në ka "yan 'dhö -dhe -bha bha.

-Ziaanwo -dhe bha -waa -dhe zuë" waannudhe =tedheng. 'Wən bha- -dhe 'gü, me "gblü -kaøng "søodhu (50.000) -wo -gun -Buakee -dhe -yaan- -bha. "Kεε =badhong -zuö -dhe 'kö bha, me gblü -kaøng =ple ö ga "søodhu (25000) =në 'wo kë -da mü.

Plesidang 'gbε -wo -gun -mü. -A -nu 'tø -mü :


'Føø Eyadema 'ö go Togo. Tabo N Beki 'ö go Aflikö di Sidö. Yayi Boni 'ö go Benen. Tumani ture 'ö go Mali. 'Blezö Køngpaore 'ö go Buukina Faso.

Ninoviera 'ö go Gine Bisao. =Ya 'go wo -zë -nu 'gü, plesidang 'dhe -nu 'wo -kë: Abulayë 'Wadë 'ö go Senegalö 'dhö, Amadu Tandia 'ö go Niziee 'dhö, Diøngnë 'Kuføø 'ö go Gana 'dhö, wo -zë woo- =minisi =në 'ö 'wo kë -nu bø kö -wo yö wo ziaandhö.

"Kpvngtaadhe -wən

Sinua "se 'gü

"Se bha- 'gü, 'yö dha 'dhö ban 'yö "yi 'dhö pa -dedewo yaawo 'yö me köng "søodhu (500) zë "su 'ö -kë zue 'ka -kwε ya- 'gü bha- 'gü. 'Me -nu 'wo =dua -wo -gun, me "miløng =ple (2.00.000). Sinua -se 'gü -mε -nu bha -a -kwε -kaøng -yaaga ö ga =ple -naa =në kwεε (32)



-wo -gun "miliøng köng "saaga ö -kø -yaaga waa- me "saaga waa- me köng "saaga (838.800.000). "Se 'ö- 'gü -mε -nu 'wo 'gbε -dedewo "kpvngtaa wo -mü

Buukina Faso

Dha 'ö ban "se bha- 'gü 'pö kwεε -yö -gun -ziisi. -A -kwε -kaøng -yaaga -naa =në (30) -a suu 'yii ban "dhü do. Me "saaga =në- -nu zë (8). Me "gblü -kaøng do ö ga -yiisiö

(14.000) =në -naa pë 'dhö =see. 'Me 'ö- -nu -bha 'kø 'yaa -nu -gø 'zü "yi pa -sü "gblø "piü, -wo me "gblü -yaaga (3000)

Mε =sløø -pë -nu -wən

'Banngkö 'kpii- do -yö kwa -gø Kødivua yö 'ö me ta kun kö -wo yë kö. 'Wëë- -da 'gü -kø 'ö "dhü bha -yö kö "miliøng "søodhu (5.000.000.) waa- kwεε.

=mangzii 'ö -kë Øødinatëë 'ka, 'wo 'søëdhε =draan- bha, -a -kaøng do ö ga do -nu Inivesite 'ö -Buakee -a -dhe kö -yö

kë =klang- -nu bha -a -nu -ta 'kun -pë 'ka. -Yö kö -kë "dhü "su 'ö -kë zue 'ka bha- 'gü

'Wən 'ö -gban -potaasü -wən -bha.***'Yən "yi***

-A 'dhe 'ö yö -yö -dho 'në 'kpø -dhe -nu
"piü. =Ya kë =dhe 'në 'kpø -dhe -nu 'ka
'në 'kpø, 'ö dho 'ö yö 'ka "su "scoodo
-bha, 'ka 'dho "yi nu 'në -dhe . -Ka
"yən doseng =në- -nu -a -dhe. -A -kë

"dhü -sü bha -yö faan -da 'në 'gü, 'ö "yua
'gbedhe bhø- -dhe taa =gbleen.

'Wən 'ö -gban troo -nu -bha me wəkø -nu 'gü***-Kø -wü 'koo =badhong***

Zue -dhækpaøyuio -kaøng
=ple ö ga "saaga bha,
=badhong -yö -gun 'ka
Soro Giyøngmë -bha
"peen waa- **Gbagbø**
Loranng -bha 'dhö, -a -nu
=zinng 'gü. -A -zuö -gen
-mü =dhe -wa -kë "dhü
kö 'wo- -zən =dhe 'wa dhi

wo 'ko -dhe. 'Mε -nu 'wo
gun =badhong bha -a
-zuö -me -me -nu
"gbu- 'ka wo -mü Soro
Giyøngmë 'dhö, **Zeneralë**
filipë Manggu 'ö -kë
-Fanngi "sødha -nu
-gøme 'ka -a 'dhö, -a -nu
'ka. 'Bii- =ple =në

Giyøngmë 'ö kë -a -da.
Manggu -bha "peen 'ka,
'bii- =ple =në 'ö 'wo kë-
-da 'pö; =ya kë "dhü kö
me 'bha 'yii kë 'to- "gbu-
'ka. =Badhong bha -yö kë
-dhi me =gban "pepe
-dhe.

"Yü -wən

-Møøsiimi do =në 'ö gun sø "vedhe bho
(sø pase) sië.
Sø "vedhe -bho 'ka -pë 'dhe 'ö -kë kwi
-nu -bha 'ka, 'ö 'wo- -gban kuranng
-bha bha, 'yö gun- -gø. -Møøsiimi
bha -yö -gun sø 'ö- "pası bho bha, -a
"yε sië kö 'pë bha -yö dø sië- "sø mü.
-Aga 'yö- -bha tiootioo (teleføngdhö) 'ö
gun- "sø 'tablë -ta mü bha, 'ö -ya "wı

-sü -bha. Ö -kø "pv 'kö- bho, 'ö- -da sø
"vedhe -bho 'ka -pë -ta bha, -ya kë- 'gü
=dhe tiootioo 'dhö,
-yaa 'sü -yaa =nëng ö "tv -bha.
Mε 'ka dø bha 'me bha =ya ö -de =piaa.
Mε 'gbø -dhe -wo 'pë -nu bha -a -nu
-bha =dhuëngdhε 'gü =dεε.

Kimse Etiëñë

Pë -Wlangda -sü**Kwaa- saanwo -së do =nε**

-Pamebhame -wo pö -me -nu -ka ka baa-, kaa- =dhɔtrɔɔ 'sëëdhe bha, -a =ple -naa =ya yö "kpənng. -Wa -dhε 'pë nu "yua 'ka.

Pë "bin 'ö ya -a - ga -së 'ka .-A do -zë 'ka -dhε-ya -bha saaga. -A -nu məə-



'Ka ka bo 'sëëdhe ya- -wo pö -sü 'ka, 'wən 'bha =ya kë ka -gə kö 'ka pö yi -dhε, -ka 'sëëdhe kë kö 'ka bə. Yii- 'drəsü -mii 08 BP 857 Abidian 08 'ka. Tel. 22.43.12.72. / 08 18 08 88 / 06

'Me -nu 'ö 'wo 'sëëdhe 'ö ya- -kë, wo -mii =Sai Zoziasü , "Dhoəgbö Zafe, =Kesi Məyan Dhifəngsü, Valangten Vidrinö waa- Edhəna Pədhəkwalösökaya 'ö- -nu =gban =ple 'wo go